



UNIVERSITÄTS-
BIBLIOTHEK
PADERBORN

Institutiones Canonicæ Sive Ius Ecclesiasticvm

Wiestner, Jacob

Monachii, 1706

II. De ejusmodi Donationis Confirmatione.

[urn:nbn:de:hbz:466:1-62672](#)

nationem esse invalidam, cum Panormit. in c. fin. n. 14. defendant Sanchez cit. disp. 2. n. 9. & Haunold. Tract. cit. n. 17. non quidem ex legis aut canonis resistentia; quia his irritatæ sunt solæ donationes inter virum & uxorem, quales isti non sunt: sed ex defectu intentionis in donante: qui, quia erravit circa causam finalē, excludenter consenserunt. I. Si per errorem 15. ff. de Jurisdic. & donationem non quasi in extraneam personam, sed quasi in uxorem fecit, ut dicitur I. Cūm bic statutus cit. §. 27. in fine, in donationem legitimè non consentit. Neque, ut cum Sylvestro q. 1. cit. aliqui opinantur, his adversantur, I. Si ex voluntate 6. C. hāc Rubr. verba, Si matrimonium non valuit, licet ipso Jure donatio tenuerit; quia tamen donatarius non potest dici maritus, utiles actiones super revocandis his sibi competunt; quia, ut I. cit. Barbosa n. 2. & Bruneman. n. 4. explicant, eā nihil statuitur de valore donationis, sed tantum assertur, licet ista, quod donans & donatarius conjuges non sint, de rigore Juris, solas donationes inter conjuges irritant, videatur valere, nihilominus, quia tanquam in conjugem, ac proin ex errore circa causam finalē profecta est, eam non valere, & obnoxiam esse revocationem.

23. Tertiò, pari modō nulla est donatione casu, quod impedimenti & nullitatis matrimonii conscientius fuit solus donatarius; ut adeo res donata donanti aut post istius mortem hæredibus sit restituenda: non fisco; quia donans utpote impedimenti & nullitatis ignarus, vacat omni culpâ, ob quam re sua debeat privari, Covarruvias cit. §. 1. n. 8. & Molina cit. disp. 200. n. 12.

24. Quartò demum, casu, quod nullitatis conscientius fuit solus donans, donationē invalidam aliqui censent & desumunt ex

I. Qui contra 4. C. De incest. nupt. à tali donata fisco addicente. Sed melius cum Emanuele à Costa in c. Si Pater 1. de Testamento. in 6. V. Uxorem, p. 1. n. 6. cit. Covarruvias §. 1. n. 8. & Molina disp. cit. in fine, ejusmodi donationem tanquam validam defendant, eā permotiatione; quod valeant à tali relicta per ultimam voluntatem, I. Prefectus 63 ff. de Ritu nupt. & I. fin. ff. de Legatis 1. Cūm ergo argumentum ab ultimis voluntatibus ad contractus, & contrà, valeat, quoties contrarium non expressum Jure, neque ratione evincitur, ut ex textu Institut. de L. Fuf. Canin. toll. & I. Servum 44. §. 5. ff. de Legat. 1. Everard. Legal. arg. loco 36. ostendit, à tali si cut legata, sic etiam donata valebunt. Cujus ratio ulterior est; quia nullitatis conscientius non quasi conjugi, sed quasi extraneo donat, & verè consentit in donationem, arg. I. Cujus per errorem 13. ff. de R. I.

Neque aliud eruitur ex I. Qui contra cit. præterquam enim, quod eā sermo sit de matrimonio solo Jure Civili, non, ut nobis, de eo à Jure Canonico irritato, exaudienda est de casu, quod impedimenti conscientius & in mala fide est uterque, & non solus donans, ut ibi notant Glossa V. Fisco, & aliis relatis Barbosa à n. 4.

ARTICULUS II.

De ejusmodi Donationis Confirmatione.

SUMMARIUM.

- 25. *Donatio inter conjuges confirmari potest;*
- 26. *I. Morte donantis,*

27. *Pof*

27. Post res donatas verò aut filiè tradicas,
 28. Et illius ante donatarium decessus:
 29. Nisi ei factam donationem ante revocasse,
 30. Vel eanon insinuata excederet quingentes solidos:
 31. Quos quatenus excedit, non confirmatur.
 32. II. Aliquando, si donans fiat servus pana,
 33. III. Vel in exilium mittatur.
 34. IV. Si is profiteatur Religionem incapacem successionis.
 35. Cujus capacem professi donatio confirmatur morte:
 36. Si à vivente revocata non fuit.
 37. Juramento verisimilius non confirmatur.

25. Hactenus declaratae donationes inter conjuges, licet Jure utroque, non tamen simpliciter; ut nullum unquam habeant effectum: sed hactenus duntaxat prohibita & irritata sunt; ut firmitate & effectu careant, quamdui matrimonium inter illos constat. Unde etiam donans rei donatae dominum retinet: &, sicut legatum & eam, quæ mortis causa sit, sic etiam hujusmodi donationem, dum vivit, revocare pro libitu potest. Quodsi eam non revocet, instar legati & mortis causa donationis morte confirmatur, c. fin. l. Cām hic statu 32. §. 1. ff. & l. Donationes 25. C. hāc Rubricā. Cujus ratio est partim; quod, matrimonio per mortem soluto, cetera ratio mutua spoliationis, ex affectu conjugalis vehementia merito timenda: partim verò; quod donationem in vita, cūm possit, non revocans in eadem voluntate perseverasse, c. Majores 3. §. fin. de Baptismo & l. Sancitus 27. C. ac Te-

flament. ac proinde per ultimam voluntatem relinquere & legare videatur.

Porro, ut conjugis in conjugem donatio ita confirmetur, quatuor conditions à DD. exiguntur.

Prima est; ut res ante donantis mor-

tem sit tradita, ut desumitur ex l. Papi-
nianus 23. ff. ubi, sola stipulatione pro-
missum non deberi, afferitur, & l. Res
uxoris 24. ibi, Qua largitione viri in
eam, uxorem, antē pervenerat, C. hāc
Rubr. cūm enim talis donatio confirmata sit,
apud donatarium aliquid esse oporteret,
quod confirmetur, Clarus §. Donatio. q.
g. n. 6. & Covarruvias in Rubric. de Te-
flament. p. § n. 3. Necessaria tamen
non est traditio vera, sed sufficit fiducia,
vg. per clausulam constituta, si nimis
donans nomine donatarii se possidere con-
stituat; sic enim traditur fiducia possidit,
l. Quod meo 18 pr. ff. de Adquir. posse.
per confessionem docis recepta, constante
matrimonio factam à marito: per con-
fessionem instrumentorum rei donatae:
per debiti remissionem animo donandi
factam: per translationem sibi vg. ma-
rito debiti factam in uxorem, ejusque
in rationum libro descriptionem &c. de
quibus latè Sanchez Lib. 6. de Matrim.
disp. 14. n. 12.

Secunda; ut donans ante dona-
tum decedat, cist. c. fin. & l. Cām hic
statu, §. 12. in fine; cūm enim donatio
donatario acquirenda sit ex morte conju-
gis, istò non superflue, evanescit. In
dubio autem, uter mortuus sit, præsumendum
est, donantem priùs obiisse, e-
jusque morte donationem confirmatam,
ut l. cit. §. 14. habetur & arg. Regg. in
pari 171. ff. & 65. in 6. tradidit Covar-
ruvias Lib. 2. Var. cap. 7. n. 5. & Mo-
olina Tract. 2. de I. & I. disp. 289. n. 11.
Tertia; ut donatio non sit revo-
cata, cist. c. fin. & l. Cām hic statu 32. §. 2.
& 3. Re-

2. Revocatio autem fieri potest vel expressè, per verba, scripturam &c. vel tacitè, exercendò actum, ex quo voluntatis mutatio præsumatur: cuiusmodi sunt Primò, divortium ex disiplentia factum, & matrimonii redintegratione non sublatum, *l. cit. §. 10. & 11.* Secundò, si res antè conjugi donata dometur alteri: si ea vendatur, permutetur, legetur, aut hypothecæ speciali subiicitur; tali enim actu, si aliud non exprimatur, revocata censetur, *l. cit. §. 5. & 15. & l. Si maritus 12. C. bâc Rubr.* Tertiò, si donatarius vg. uxoris mores mutet in præjudicium donantis, committendò vg. adulterium, aut illi ingratum se exhibendò, *arg. e. fin. de Donation. & l. fin. C. de Revocand. donat.* Quartò, si graves iniuricitiones inter eos oriuntur, *arg. §. 10. cit. &c. Molina cit. n. 11. in fine, & cit. Sanchez disp. 15. rota*, cuius *n. 1.* probè monet, in dubio prioris voluntatis mutationem & donationis revocationem in donatario non præsumi, ut colligitur *l. cit. §. 4.* verbis, *Si appareat, defunctum evidenter revocasse.*

30. Quarta; ut, si donatio quingentos solidos excedat, ejus insinuatio facta sit iudicis; sine hac enim quantitatibus, illos exceditant, donatio quoad excessum donantis morte non confirmatur, *l. Donationes 25. C. bâc Rubr. Clarus §. Donatio, q. 17. n. 3. & cit. Molina n. 7.* Quoad excessum, inquam, iuxta *l. cit. ibi, Amplioris quantitatis donationem, minime insinuatam, confirmari non concedimus.* Quoad summanum autem legibus permisam ita confirmatur; ne utile per inutile vitetur, cum ab isto potest separari, contra *Reg. Utile 37. in 6.* ut eam cum Dyno *n. 4.* explicat *cit. Sanchez disp. 14. n. 25.* Ex dictis

32. Dubium oritur primò, ac inter coniuges donatio etiam confirmetur morte

Civili: quæ contingit per servitutem, vel per exilium ac deportationem, vel per Religionis professionem. Quorum modorum

Primò, si civiliter conjux moriatur, opus est distinctione; vel enim sit servus hominis, vel poenæ: ut si damnetur in metallum? Si priori, donatio evanescit, *l. Cum hic statu cit. §. 6.* Si posteriori modo servus fiat, eam respectu fisci confirmari; ut donatum non iste, sed donatarius capiat, si à donante non revocetur, defumitur ex *l. Res uxoris 24. junctâ Glosâ V. Deductio, C. bâc Rubric.* Ratio discriminis est; quia servus hominis transit in dominium alterius, non etiam servus poenæ. Unde ab illo ante servitutem facta donatio, ab eo, cuius potestati subiicitur, revocari potest, *Sylvester V. Donatio 2. q. 4. & Haunoldus Tom. 3. de l. & l. Tract. 9. n. 194.*

33. Alterò modò, sive cum maritus donans in exilium mittitur & deportatur, ab eo in uxorem factam donationem respectu fisci confirmari, defumitur à paritate donationis causâ mortis, quæ Civili morte confirmatnr, *l. Sed si mors 13. §. 1. ff. bâc Rubr. Respectu fisci*, inquam: non respectu viri donantis; quia ab isto ea revocari potest, eaque revocata res donata, hoc ipso; quod in bonorum publicatione non fuerint contentæ, non cedunt fisco: sed ad ipsum donantem revertuntur, ut ex *l. Res uxoris cit. colligunt iidem, Molina n. 6. & Sanchez disp. 17. n. 3.* Dixi etiam, *A marito in uxorem*; quia ab hac in illum collata donatio morte donantis Civili non confirmatur, sed evanescit; quia *l. cit.* continet speciale privilegium uxoris, cuius pudicitia præmio cessit, ut iterum advertunt Molina & Sanchez *l. cit.*

34. Tertiò modò, sive professio Re-
ligionis,

ligionis, si coniux civiliter moriatur, necessaria est distinctio inter Religiones; vel enim, quam donans profitetur, professionis bonorum in communi & successus incapa^s est, ut est Ordo FF. Minorum S. Francisci & Capucinorum? & conjugis donantis professione donatio ita confirmatur; ut neque ipsa valeat revocari, neque donantis mors naturalis debeat expectari, ut cum eit. Sanchez n. 9. recte docet Palao Tratt. 32. disp. 2. p. 25. §. & n. 3. Ratio est; quia mors Naturalis & Civilis æquiparantur, quando utraque eundem effectum habet quoad bona, Glossa in Clement. 2. V. Mōriente, de Electione, Panormit. in c. Nisi essent 21. de Prabend. n. 11. & Baldus in l. fin. C. de Episc. & Cleric. pr. Mors autem Civilis per professionem Religionis, bonorum incapaci, eundem, quem Naturalis, effectum habet quoad bona; cum hæc à Religionis professo neque in communi neque in particulari valeant possideri. Confirmatur; quia professione illa matrimonium, licet quoad vinculum perseveret, quoad effectum tamen & communem habitationem solvit, si 35. cut per mortem naturalem. Vel Religionis successionis est capax? & donatio confirmatur non professione, sed naturali morte illam professi: qui proinde accedente voluntate superiorum ante factam donationem revocare non minùs vallet, quam eam, quæ facta est causâ mortis. Si verò non revocetur, donante ante donatarium mortuō, omnino confirmatur, ut cum eit. DD. tradit Haunold. n. 193.

Neque obstat; quod professus revocare nequeat testamentum; quia latum discrimen inter hoc, & à conjugi in conjugem, aut mortis causâ factam donationem intercedit; ad illius enim revocationem Jure requiritur potentia condon-

di aliud testamentum, §. Posteriore 2. §. Ex eo 7. Insit. Quibus modis testam. inf. Cum ergo Testamentum condere professus nequeat, can. Quia ingredientibus, 19. q. 3. c. Quia 2. de Testament. etiam ante professionem conditum non poterit revocare, ut cum Panormit. in c. In praesentia 8. de Probat. n. 61. docent Covarruvias in c. Quia cit. n. 9. & Gutierrez Q.D. Canon. Lib. 2. cap. 1. & n. 37. & Fachineus Controvers. Lib. 6. cap. 15.

Dubium secundò est, an eadem con- 37 firmetur juramentò, præfictò de canon revocanda? Cujus Resolutio pendet à traditis Lib. 2. Tit. à n. 76, ubi actus Ju- re Civili invalidos, ita ut obligationem Justitia & actionem Civilem pariant, non confirmari, est dictum. Cui doctrinæ inhæreo & censco, proposito juramentò donationis revocationem illicitam qui- dem redi, hōc ipsò; quod illi adje- ctum juramentum non vergat in dispensum salutis æternæ neque in tertii pri- vati aut boni publici præjudicium cedat, ac proinde observandum sit juxta Regu- lam c. Cum contingat 28. de Jurejurand. & c. Quamvis 2. de Paſta in 6. nihilominus contra juramenti Religionem fa-ctam validam esse, sicut valida est revo- catio testamenti vel procuratoris,

ARTICULUS III.

De Dotis & propter
nuptias Donationis Restitu-
tione facienda Matrimonio
soluto.

S U M M A R I U M.

- 38. Bona uxoris alia Dotalia,
- 39. alia Paraphernalia vel Receptitio-
40. Con-
funt.